

ჩვენი გაზეთი იუბილარია, 90 წლის წინ, 1933 წლის 2 აპრილს დაარსდა გაზეთების: „თერჯოლის“, „წინსვლის“ და „საკოლმეურნეო სოფლის“ წინამორბედი, გაზეთი „ჩხარის კოლმეურნე“.



# 90 წელი თქვენთან ერთად!



„არს მთის კალთას, სკანდას, სასახლე მეფეთა და ციხე დიდი, დიდშენი“  
**ვასუშტი პაპრატიონი**

# თერჯოლა

Facebook გაზეთი თერჯოლა  
[www.nplg.gov.ge](http://www.nplg.gov.ge)  
[www.terjola.gov.ge](http://www.terjola.gov.ge)

საზოგადოებრივი გაზეთი • გამოდის 1933 წლიდან • №5 (7104) 1 მარტი 2024 წელი

## „თებერვალმა სამუდამოდ დამიზამთრა მაისი...“

### 23 თებერვალი—იუნკერთა ხსოვნის დღე

23 თებერვალს, იუნკერთა ხსოვნის დღეს, ხალხმრავლობა იყო გამართა თერჯოლის მემორიალთან! მუნიციპალიტეტის მერმა მანუჩარ რობაქიძემ, საკრებულოს თავმჯდომარესთან, გიორგი ბარათაშვილთან ერთად გვირგვინით შეამკო გამართა დიდების მემორიალი და პატივი მიაგო იუნკერთა ხსოვნას.

თერჯოლისა და ტყიბულის ეპარქიის მიტროპოლიტმა გიორგიმ, სასულიერო პირებთან ერთად, ქართველ იუნკერთა სულის მოსახსენიებელი პარაკლისი გადაიხადა. გაუძღვრა საქართველოს სახელმწიფო პიმნი.

☞ 8




## დედის დღე და რვა მარტი, ერთად მოგვილოცნია!

☞ 3,5



## მის მაღალყოვლადუსამღვდელოესს, ტყიბულისა და თერჯოლის მიტროპოლიტს, მეუფე გიორგი შალამბერიძეს

მის მაღალყოვლადუსამღვდელოესს, ტყიბულისა და თერჯოლის მიტროპოლიტს, მეუფე გიორგის ქრისტესმიერი სიყვარულით ვულოცავთ დაბადების დღეს.



ვმადლობთ უფალს, რომ მუნიციპალიტეტის მრევლთან ერთად, მრავალი წლის მანძილზე გვეძლევა საშუალება დავესწროთ მის მიერ აღვლენილ სამეუფეო მსახურებს და მოვისმინოთ უბრალო, გულიანი და მრავლისმთქმელი ქადაგება. მეუფე მუდამ გამოირჩევა თავისი განსწავლულობითა და უბრალობით. წარმოუდგენელია, მოუსმინო და სულიერ საგზლად არ გაგყვეს უბრალობით წარმოქმული საოცარი სწავლება ღვთისა და მოყვასის სიყვარულზე. თავადაც ხომ ასეთია—მეუფის ცხოვრება ერთი დიდი, უბრალო და მრავლისმთქმელი ქადაგებაა.

თქვენო მეუფებავ, უფალმა არ მოგაკლოთ ჯანმრთელობა და ბედნიერ წელთა სიმრავლე, რათა თქვენეული მხნეობითა და შემართებით კვლავაც დიდხანს იღვანოთ ღვთის სადიდებლად და მოყვასის სულის გადასარჩენად.

მრავალუამიერ თქვენს მეუფებას!

ქრისტესმიერი სიყვარულითა და მოკრძალებით მანუჩარ რობაქიძე, თერჯოლის მუნიციპალიტეტის მერი გიორგი ბარათაშვილი, თერჯოლის მუნიციპალიტეტის საკრებულოს თავმჯდომარე

## „თქვენ, ქვეყანა უნდა ჩაიბაროთ!“

22 თებერვალს, თერჯოლის მუნიციპალიტეტის საგანმანათლებლო რესურსცენტრში, 2022 წლის ოქროსა და ვერცხლის მედლების მფლობელ კურსდამთავრებულებს, ახლა უკვე მეორე კურსის სტუდენტებს ელოდნენ, მათთვის მედლები უნდა გადაეცათ.

მედლოსნებმა, იგივე დარბაზში მსხდომმა სტუდენტებმა გაიხსენეს მუნიციპალიტეტის მერის მანუჩარ რობაქიძის თანადგომა—საახალწლოდ მისგან გადაცემული ფულადი ჯილდო და კეთილი სურვილები.

თითოეული მედალოსნისათვის მედლის გადაცემა სამახსოვრო კადრებად აღიბეჭდა.

☞ 2



# ამბები თერჯოლის მუნიციპალიტეტიდან

რუბრიკით: „ამბები თერჯოლის მუნიციპალიტეტიდან“ გთავაზობთ წერილებს, რომლებიც მომზადებულია საჯაროდ გამოქვეყნებული ინფორმაციების საფუძველზე.

## დახმარება სტიქიით დაზარალებულთ...

ამ დღეებში თერჯოლის მუნიციპალიტეტში სტიქიის შედეგად დაზარალებულთა დახმარება გრძელდება.



თერჯოლის მერიამ სტიქიით დაზარალებულთა დახმარების სამუშაოებს მასალები გადასცა.

მუნიციპალიტეტის ადმინისტრაციულ ერთეულებში, 6-7 თებერვლის სტიქიით დაზარალებულთა ოჯახებს, რომელთაც საცხოვრებელი სახლის სახურავები დაუზიანდათ, მუნიციპალიტეტის მერიამ საჭირო სამშენებლო მასალები გადასცა.

მუნიციპალიტეტის მერმა მანუჩარ რობაქიძემ,



რამდენიმე ოჯახი პირადად მოინახულა და დაზიანებული სახლების სარეაბილიტაციო პროცესი ადგილზე დაათვალიერა.

შეხვედრას საკრებულოს თავმჯდომარის მოადგილეები-დავით გოგბერაშვილი და ჯემალ ისაკაძე, ადმინისტრაციულ ერთეულებში მაჟორიტარი დეპუტატები და მერის წარმომადგენლები ესწრებოდნენ.

## ძვერულას კარსტულ ხეობაში

სოფელ ძვერში, მდინარე ძვერულას კარსტულ ხეობის რეკრეაციულ ზონაში დასრულების ეტაპზეა მიმდინარე სამუშაოები, რომლებიც ამ დღეებში მუნიციპალიტეტის მერმა-მანუჩარ რობაქიძემ დაათვალიერა.

პროექტის ფარგლებში, შშმ პირთათვის მოწყობილი ადაპტირებული სივრცე, რეკრეაციულ ზონაში უკვე განხორციელდა საპიკნიკე ფანჯატურების, გარე განათების, გამოქვაბულამდე მისასვლელი ბილიკის, მდინარე ძვერულაზე გადასახედი გამჭვირვალე კონსტრუქციის და საინფორმაციო შენობის მოწყობა.

შეხვედრას ესწრებოდნენ მუნიციპალიტეტის საკ-

რებულოს თავმჯდომარის მოადგილეები—დავით გოგბერაშვილი, ჯემალ ისაკაძე, სოფელ ძვერის თემის, ჩხარისა და გოგნის მაჟორიტარი დეპუტატი მუნიციპალიტეტის საკრებულოში მანუჩარ ფანჯალიძე და მერის წარმომადგენელი ძვერის თემში ფრიდონ კუტალაძე.

თერჯოლის მუნიციპალიტეტისთვის უმნიშვნელოვანესი ტურისტული ინფრასტრუქტურული პროექტი, რომელიც საპილოტე რეგიონების ინტეგრირებული პროგრამის ფარგლებში განხორციელდება, აპრილის თვეში ოფიციალურად გაიხსნება და მზად იქნება ვიზიტორების მისაღებად.



## სარეაბილიტაციო სამუშაოები დაიწყო

რამდენიმე დღის წინ დაიწყო ზედა და ქვედა ალისუბნის ცენტრალურ საავტომობილო გზაზე სარეაბილიტაციო სამუშაოები, გზის აღნიშნულ მონაკვეთზე არსებული ბეტონის საფარის დაგება.

თერჯოლის მუნიციპალიტეტის მერი მიმდინარე სამუშაოებს ადგილზე გაეცნო, მანუჩარ რობაქიძემ სარეაბილიტაციო პროცესი საკრებულოს თავმჯდომარესთან, გიორგი ბარათაშვილთან ერთად დაათვალიერა. შეხვედრას ადგილობრივი ხელისუფლების წარმომადგენლები და შესაბამისი სამსახურების ხელმძღვანელი პირები ესწრებოდნენ.

პროექტი რფგ-იდან ადგილობრივი ბიუჯეტის თანადაფინანსებით ხორციელდება. მისი საერთო ღირებულება 312293 ლარს შეადგენს. პროექტის მი-

ხედვით, სოფელ ალისუბანში ერთ კილომეტრამდე გზა მოწყობა ინფრასტრუქტურულ პროექტს შპს „სანდრო“ ახორციელებს.

იმავ დღესვე ადგილობრივი ხელისუფლების წარმომადგენლებმა გოდოვანში, ჭიჭინაძე-ბრეგვაძეების უბანთან დამაკვეთილებელი ცენტრალური გზაც დაათვალიერეს, სადაც შპს „ჯეო როუდ ინვესტი“ ბეტონის საფარის მოწყობის სამუშაოებს აწარმოებს.

პროექტი რფგ-იდან ადგილობრივი ბიუჯეტის თანადაფინანსებით მიმდინარეობს, მისი ღირებულება 313783 ლარს შეადგენს, პროექტის ფარგლებში გოდოვანის აღნიშნულ მონაკვეთზე ერთ კილომეტრამდე სიგრძის გზის კეთილმოწყობა მოხდება.



## მორიგი დასუფთავების აქცია

ამ დღეებში თერჯოლის მუნიციპალიტეტში მორიგი მასშტაბური დასუფთავების აქცია მოეწყო, რომელიც მუნიციპალიტეტის ყველა სოფელში ერთდროულად დაიწყო და მასში მონაწილეობა, ადმინისტრაციულ ერთეულებში, მერის წარმომადგენლობის თანამშრომლებმა და დასაქმების პროგრამაში ჩართულმა სოციალურად დაუცველმა პირებმა მიიღეს.

დასუფთავების აქცია თერჯოლის მერიის ორგანიზებით და ა(ა)იპი დასუფთავებისა და კეთილმოწყობის სამსახურის მხარდაჭერით განხორციელდა და მას დღის განმავლობაში, მერის პირველი მოადგილე-ზვიად ბაზაძე შეუერთდა. ღონისძიებაში აქტიურად მონაწილეობდნენ მერიის შესაბამისი სამსახურების წარმომადგენლები.

აქციის მთავარ მიზანს წარმოადგენდა, ჯანსაღი, მონესრიგებული გარემოს შექმნა და საზოგადოების პასუხისმგებლობის და ცნობიერების დონის ამაღლება.

## სამოქალაქო მრჩეველთა საბჭოში...

თერჯოლის მერმა მანუჩარ რობაქიძემ, სამოქალაქო მრჩეველთა საბჭოს წევრებთან, საინფორმაციო ხასიათის შეხვედრა გამართა.

სამუშაო შეხვედრაზე საბჭოს წევრები თერჯოლის მუნიციპალიტეტში მიმდინარე და დაგეგმილ ინფრასტრუქტურულ პროექტებს გაეცნენ. შეხვედრაზე ასევე განიხილეს პროექტები, რომლებიც საქართველოს რეგიონებში განსახორციელებელი პროექტების ფონდიდან სოფლის მხარდაჭერის პროგრამის ფარგლებში უნდა შესრულდეს.

საბჭოს წევრებმა იმსჯელეს მუნიციპალიტეტში რეგისტრირებულ სახლდაზიანებული ოჯახების 2024 წლის დახმარების სახელმწიფო პროგრამის შესახებ. აღნიშნული სოციალური დახმარების პროგრამა თერჯოლაში 2019 წლიდან ხორციელდება, რომლის ფარგლებში ამ დრომდე მუნიციპალიტეტში 29 სახლი აშენდა.



მრჩეველთა საბჭოს სამუშაო შეხვედრას, თერჯოლის მერის მოადგილეები ზვიად ბაზაძე, მირზა ქოჩიაშვილი და ადგილობრივი ხელისუფლების წარმომადგენლები ესწრებოდნენ.

შეხვედრაზე გაიხილეს ახალმა ინიციატივებმა, საბჭოს წევრებმა: ზურაბ აბესაძემ და მარიამ ბუსკივაძემ საინიციატივო წინადადებები დაასახელეს, რომლის მიხედვითაც, მერიის ხელშეწყობით მუნიციპალიტეტში, სკოლის მოსწავლეებისთვის, შემეცნებითი სამაგიდო თამაშების და ინგლისური ენის გაღრმავების მიზნით, ახალგაზრდული კლუბების შექმნა დააანონსეს.

## „თქვენ, ქვეყანა უნდა ჩაიბაროთ!“

1

შეხვედრა საგანმანათლებლო რესურსცენტრის ხელმძღვანელმა ქეთევან შეყრილაძემ გახსნა, მიულოცა მათ სტუდენტობა და მედლების სახით შეფასებული შრომის შედეგი, წარმატებები უსურვით მომავალ საქმიანობაში, კმაყოფილება გამოთქვა, რომ იზრდება მედალოსანთა რიცხვი, გაიხსენა ის შეზღუდვები, რაც ათეული წლების წინ იყო მედლების გაცემასთან დაკავშირებით, დღემდე ახსოვს გულწყევლა, როგორ დარჩა მედლის გარეშე. ქეთევანმა ისურვა ყოფილიყვნენ უფრო მეტნი, ვიდრე ახლა, მითუმეტეს, რომ 2022 წლის კურსდამთავრებულთაგან მედალი 60-მა მიიღო. მე, როგორც ქეთევანზე ასაკით უფროსს, დეტალებში გამახსენდა ეს ფაქტი. დიახ, ქეთევანმა და მისმა ორმა თანაკლასელმა, პირველი კლასიდან ფრიადოსნებმა, ვერ მიიღეს ოქროს მედლები—ბევრნი ხართო.

შეხვედრაზე სიტყვით გამოვიდა კერძო სკოლა „მზეკაბანის“ დირექტორი აზა მემანტიშვილი „ცხოვრების მედალოსნებიც იყავით“, „თქვენ ქვეყანა უნდა ჩაიბაროთ!“—თქვა მან. სტუდენტმა ელენე რობაქიძემ მადლობა გადაიხადა და თანატოლებს წარმატებები უსურვა.

დარბაზში იყვნენ იმ მედალოსანთა მშობლები, რომელთა შვილებიც ვერ მოვიდნენ მედლების გადაცემაზე, მათ მონაწილეობით თავისებურად საინტერესო გახადეს მედლების გადაცემის ცერემონიალი, რომლებსაც ქალბატონები ქეთევან შეყრილაძე, მათა რობაქიძე და სოფო ჩუბინიძე გადასცემდნენ.

ხუთშაბათი დღე იყო, 2024 წლის 22 თებერვალი. „თქვენ ქვეყანა უნდა ჩაიბაროთ!“—ეს სიტყვები როგორც მოთხოვნა ისე გაიხსნა.

შუშუნა ცხალაძე



# დედის დღე და რვა მარტი, ერთად მოგვილოცნია!

იოსებ ბრიშაშვილი

ჰაერში ოქრო ლივლივებს,  
მთებზე ზურმუხტი, ლალია,  
აფსუს, რა კარგი დღე არის!  
აფსუს, რამდენი ქალია!

სადა ხართ ლამაზმანებო,  
მოდით დამათვრეთ ბუნებით,  
ამივსეთ ტუჩის ყულაბა  
მაგ კოცნის უხალთუნებით.

თორემ ვბერდები... და გულმაც  
ლოდინის შხამი გალია,  
ჰაუ, რა კარგი დღე არის!  
ჰაუ, რამდენი ქალია!

## „დედობრივი სკოლები“ — სკოლამდელი აღზრდა თერჯოლაში

დიდი ამოცანების წინაშე დგას სკოლამდელი აღზრდის მუნიციპალური ცენტრი და საბავშვო ბაგა-ბალები. 26 ბაგა-ბაღში 500 თანამშრომლიდან 455 ქალია. ყველა მათგანის სურვილია ბავშვის ინდივიდუალურ ინტერესებზე დაყრდნობით და მათი საჭიროებების დაკმაყოფილებით ბავშვი იყოს დამოუკიდებელი და ბედნიერი. ახლა ბაგა-ბაღებში ეტაპობრივი ავტორიზაციისათვის მზადება მიმდინარეობს. საბავშვო ბაგა-ბაღებმა უკვე გაიარეს თვითშეფასება, იგი საფუძვლად დაედება ავტორიზაციის გავლის განრიგს 2029 წლის ბოლომდე. მუნიციპალიტეტში ყოველწლიურად იზრდება სკოლამდელ განათლებაზე გამოყოფილი თანხები. თუზის, ახალთერჯოლის, ნავარევის, ზედა ალისუბნის, 26 მაისის, სახანოს, თერჯოლის №3 ბაგა-ბაღები თანამედროვე სტანდარტების მიხედვით არის აშენებული. მიმდინარეობს ძველის საბავშვო ბაღის მშენებლობა, რომელიც ფუნქციონირებს 2025 წლის იანვრიდან შეუდგება. 17 საბავშვო ბაღი ნაწილობრივ არის რეაბილიტირებული, სამზარეულოები, სველი წერტილები ყველა ბაღში წესრიგშია, 7 ბაღში მოწყობილია ცენტრალური გათბობის სისტემა, სხვა ბაღებში შემოსილულ ტილოებით თბებიან. მუნიციპალურ ცენტრში, რომელიც ბაგა-ბაღებს მართავს და საქმებულობს 13 თანამშრომელი და ყველა ქალია. სწორედ ქალები, ჩვენი მშვენიერი, შრომისმოყვარე და ძლიერი ქალები უქმნიან ბაღებში ჩარიცხულ ათასამდე ბავშვს საჭირო სააღმზრდელო პირო-

## „გისურვებთ ჯანმრთელობას და სულიერ სიმშვიდეს“

ეს თერჯოლაში მოქმედი აფთიაქების სლოგანია. აქ ასე, გასაგებად და ემოციურად გამოხატავენ ძირითად სათქმელს. აფთიაქის თითოეული თანამშრომელი განსაკუთრებული თავაზიანობით არის გამორჩეული, გულისყური მთლიანად საქმისაკენ აქვთ მიპყრობილი, აქ შეცდომის დაშვება არ შეიძლება. ვულოცავთ მათ დედის დღეს!



ავერსის №1 აფთიაქის თანამშრომლები: ელისო გიგაშვილი, შორენა შულაძე, ანა ამბროლაძე, ნინო ცხადაძე, ირინა ზუზაძე, მაია კენჭოშვილი, აზა მაჩიტაძე, ამ ფოტოზე არ არიან: ტატიანა ოდიკაძე, თამარ ბაგრატიონი, ია ჭანკვეტაძე.



ბებს, ყველაფერს აკეთებენ იმისათვის, რომ ბავშვთა ცხოვრება ბაღებში იყოს საინტერესო, მიმზიდველი, უსაფრთხო. მუნიციპალიტეტის მერია სწორედ ამ განსაკუთრებული შრომისათვის უქმნის ბაგა-ბაღებს მუშაობისათვის საჭირო პირობებს. ადგილობრივ ბიუჯეტში კვლავ გაიზრდება სკოლამდელი განათლების მიმართულებით განეული ხარჯები.

## ანნა ჩიხლაძე—100

სოფელ ქვედა სიმონეთში მცხოვრები ანნა ჩიხლაძე 100 წლის ვახდა! უზუცეს ქალბატონს, დაბადების დღე მუნიციპალიტეტის მერმა - მანუჩარ რობაქიძემ მიულოცა. 100 წლის იუბილარს, მანუჩარ რობაქიძე, საკრებულოს თავმჯდომარესთან გია ბარათაშვილთან და ადგილობრივი ხელისუფლების წარმომადგენლებთან ერთად სახლში ესტუმრა. მუნიციპალიტეტის მერმა, იუბილარ ანნა ჩიხლაძეს ჯანმრთელობა და დიდხანს სიცოცხლე უსურვა.



ავერსის №2 აფთიაქის თანამშრომლები: ირინა მეტრეველი, თამარ ფრუიძე, ნათია აბულაძე, ნათია გოგიაშვილი, ნუკი რობაქიძე, ირინა გუმბერიძე, ანა კუბლაშვილი.



პსპ-ს აფთიაქის თანამშრომლები: ნანა რობაქიძე, ეთერ ჩიხლაძე, ნათია ნებიერიძე, შორენა ფერაძე, სოფიკო რობაქიძე, ელზა თუთარაშვილი, ნელი გავაშელაშვილი, ნინო ბარამაძე, მაგდა გაბრიჩიძე, თამარ სარდანაძე



ფარმადეპოს აფთიაქის თანამშრომლები: მელანო გამეზარდაშვილი, ია ფანჩულიძე, ნინო გურგენიძე, სალომე კვინიკაძე, ნინო მხეიძე, ნინო ჭურაძე, ნინო ქოჩიაშვილი, ეკა ბოჭორიშვილი

# ერთი ჩვეულებრივი დღე ძვერის საჯარო სკოლაში

## რეპორტაჟი

ძვერის საჯარო სკოლაში რეჟისორ ტატო პატარიძისთან შესახვედრად წავიდა. ტატოს ძვერის სკოლაში რამდენიმე სპექტაკლი აქვს დადგმული და მინდოდა მასზე ორიოდე თბილი სიტყვა მეთქვა. ტატოს ვერ შევხვდი და არც მიცდია მასზე მონაცემები მომეპოვებინა, რადგან შეხვედრა საუკეთესო საშუალებაა წერილი უფრო საინტერესო გამოვიდეს, ამიტომ უნდა დაველოდო! სამაგიეროდ ე.წ. „დიდ შეხვედრაზე“ შევესწარი ღონისძიებას „პოეზიის ხუთი წუთი“. მე-6 კლასის მოსწავლე გაბრიელ მეფარიძემ და მესამეკლასელმა ალექსანდრე გუგუშვილმა სამშობლოსადმი მიძღვნილი პატრიოტული სულისკვეთებით სავსე ლექსები წაიკითხეს. სკოლის დერეფანში მუდამ დგას სკამები, რადგან ყოველდღე იკრიბებიან პატარ-პატარა ღონისძიებებზე. მხატვრულად წაკითხულმა ლექსებმა მოწონება და ხანგრძლივი ტაში დაიმსახურა. უფროსკლასელ ავთანდილ ქორიაშვილს დაბადების დღე ტრადიციული სიმღერით მიულოცეს, „ჩვენებური საზეიმო ოვაციას“ დირექტორმა მანუჩარ ფანჩულიძემ და უწყვეტ ტაშს ფეხების წამიერი ბაკუნით დაემატა.

მალე ბატონი მანუჩარი განთავისუფლდა. ძვერში, ჩხარის შემოვლით, ჭედვა ავტობუსით ძლივს ასული „ხელცარიელი“ ხომ ვერ წამოვიდოდი. სხვადასხვა დროს სკოლაში ჩატარებულ ღონისძიებებზე, განხორციელებულ პროექტებზე მქონდა ინფორმაციები, მაგრამ დაზუსტება და დირექტორთან შეთანხმება აუცილებლად ჩავთვალე და „კნოპკიანი“ ტელეფონი, ავტოკალამი და ფურცლები დავდე მაგიდაზე, ბატონ მანუჩარს ეგონა უახლესი ტექნიკური საშუალებებით „აღჭურვილი“ ვიქნებოდი და გაოცებული დარჩა.

კითხვებს სწრაფად პასუხობდა, ვერ ვასწრებდი ჩანერას, სახლში დაბრუნებულმა საკუთარი ჩანაწერებიდან ნახევარი ვერ ამოვიკითხე, რაც დამამახსოვრდა საუბრიდან და ზოგიერთმა საიმედო ჩანაწერმა რა საშუალებაც მომცა ისე და იმდენი დაგწერე.

### სამასწავლებლოში

გახარებული არიან სკოლის პედაგოგები, აქ თქვეს, რომ მალე ახალი სკოლის მშენებლობა დაიწყება, რომელიც 5 მილიონამდე ლარი დაჯდება. ბევრ, ჩემთვის სასარგებლო საუბარსაც მოგვარი ყური—მასწავლებლებმა, მოგვიანებით მუნიციპალიტეტის მერიისა და საკრებულოს, რესურსცენტრის ხელმძღვანელების მიმართ არაერთხელ გაიმეორეს. დირექტორმა არ იცოდა „სამასწავლებლოს ამბები“ და დაჯდომისთანავე მითხრა—მალე ახალი სკოლა გვექნებაო.

### ზოგადი ამბები

სკოლაში 136 მოსწავლეა, ყველა მასწავლებელი სტატუსიანია, თითოეული ცდილობს მის ამალეობას და კარიერულ წინსვლას, შარშან 16 კურსდამთავრებული ჰყავდათ, ყველა მათგანი უმაღლესი სასწავლებლის სტუდენტია, ზოგი გრანტით, ზოგი უგრანტოთ. ერთი ვეტერინარულ კოლეჯში ჩაირიცხა—სოფელს გამოვადგებო, ერთიც, ზუ-

რა ფორჩხიძე, ჯარში წავიდა—სამშობლოს დამცველთა რიგებში მირჩევიანო.

სკოლაში აქტიური, ინტერესიანი ბავშვები არიან, სკოლის თითქმის ყველა მოსწავლე ჩართულია სხვადასხვა სასკოლო, სარაიონო თუ რესპუბლიკურ ღონისძიებებში, სახეზეა გამარჯვებები, სიგელები და დიპლომები. სკოლას ჰყავს მალალი აკადემიური მოსწრების, სხვადასხვა შემოქმედებითი უნარებით დაჯილდოებული მოსწავლეები. ჰყავდათ და წელსაც ელოდებიან მოხალისე მასწავლებელს „მშვიდობის კორპუსიდან“, რაც ხელს შეუწყობს სწავლა-სწავლების პროცესს.

### ის, რაც ყველგან არ არის

ბეისბოლის გუნდი, რომელსაც საქართველოს ბეისბოლის ფედერაცია უწევს ორგანიზებას, ძვერის სკოლაში კარგახანია ჩამოყალიბებულია, ეს სკოლა ერთადერთია სოფლის სკოლებიდან ქვეყნის მასშტაბით; უკვე დაიწყო საკვირაო სკოლის და საზაფხულო ბანაკის მოწყობის სამუშაოები,

ბანაკში ჩართულნი იქნებიან მოსწავლეები ქვეყნის მასშტაბით; „ძვერის სკოლის სიკეთის კლუბი“ საქველმოქმედო საქმიანობას 2013 წლიდან ეწევა. კლუბში გაერთიანებული მოსწავლეები და ისინიც კი, ვინც კლუბის წევრი არ არის, აგროვეტერ ტანსაცმელს, პროდუქტებს, საყოფაცხოვრებო დანიშნულების ნივთებს და ეხმარებიან ყველას, ვისაც დახმარება ძალიან სჭირდება. საქველმოქმედო მუშაობაში ჩართულნი არიან მშობლები, მასწავლებლები; საბავშვო თეატრი აქ თითქმის 10 წელია არსებობს, დადგმულია 9 სპექტაკლი, რომელშიც ყველა ასაკის მოსწავლეა ჩართული; კინოკლუბში, მრავლად არიან გაერთიანებული მოსწავლეები, ისინი ბევრს კითხულობენ ცნობილი მსახიობების, რეჟისორების ცხოვრებისა და მოღვაწეობის შესახებ, უყვართ ფილმების ყურება და თანდათან თვითონაც ეუფლებიან „მსახიობობას“. მათ ეს ყველაფერი ეხმარებათ ეზიარონ ამ ხელოვნებას.

### ოთხი წელი და 8 ფილმი

ამ საქმის მოდელირება მეოთხე წელია მიმდინარეობს. გადაღებულია „ხრესილი“, „პირველყოფილი ტომის ცხოვრება“, „ხმალმა გაგვასწოროს“, „ჯარისკაცის მამა“, „კონსტანტინოპოლის დაცემა“, „ჯვაროსნული ომები“, „ინდიელთა ცხოვრება“. ცხადია ფილმები 2-3 წუთიანია, პატარ-პატარა სიუჟეტებით, მაგრამ მრავლისმთქმელია, მიუთითებს ბავშვთა ინტერესსა და ნიჭიერებაზე. სამწუთიანი ფილმი „შინდისის გმირები“ უპირველესად ამ სოფლის მკვიდრის, სკოლის კურსდამთავრებულის, გმირულად დაღუპული შმაგი სოფრომადის და ტერიტორიული მთლიანობისათვის დაღუპული ყველა მებრძოლის ხსოვნას მიეძღვნა. მონაწილენი: ზაზა სოფრომადე, ვოვა ფანჩულიძე, მათე ზაქარიაძე, აკაკი ზაქარიაძე, ლაზარე პატარიძე, მათე ხო-



სიაშვილი, გიორგი აბუანდაძე, სანდრო ბრეგაძე, ანდრია აბულაძე, მისი მამა ალიკა აბულაძე, ვახტანგ მეფარიძე, ლუკა ფანჩულიძე, კიდეც ლუკა ფანჩულიძე, როგორც ნამდვილი პროფესიონალები ისე მიიღო მაყურებელმა. მანუჩარ ფანჩულიძე ამბობს, რომ ძალიან დაეხმარათ გიორგი ფხალაძე, მირზა აბულაძე. XII კლასის მოსწავლე ლილე ფანჩულიძემ გააკეთა ფილმის მონტაჟი. ფილმის გადაღებას წინ უძღოდა პატივის მიცემა გმირებისადმი, ამიტომ იყვნენ შინ-

გან დაკომპლექტებულ გუნდს ხელმძღვანელობს, ბარბარეს მათთან ერთად სკოლაში გამართული ღონისძიებების ორგანიზება უწევს. ორი წლის წინ გადაეცა მას სკოლის წინა „თავი ქალიდან“ ესტაფეტა და სკოლის დამთავრების შემდეგ ბარბარე „თავიქალობას“ სხვას გადასცემს, ჯერ არ იციან ვინ იქნება ის.

### ქველმოქმედება

ათ წელზე მეტია „ასოციაცია ბავშვებისათვის“ დამფუძნებელი ქეთი მაკლინი ძვერის სკოლასთან თანამშრომლობს.



დისის მემორიალზე, მუხათ-გვერდის ძმათა სასაფლაოზე, დიდგორის ველზე... ფილმი თბილისში გამართულ ფესტივალზე დაჯილდოვდა მთავარი პრიზით—„ოქროს პეპელა“.

### „ბავშვ ლექტორთა კლუბი“

კლუბი ორგანიზებას უწევს საგანმანათლებლო საქმიანობას. აქ გაერთიანებულნი ეჩვენებიან „ლექციებს“, საჯარო გამოსვლებს, აზრის გამოხატვას, იქნენ ცოდნას, სურათები და ვიდეოჩვენებები სხვადასხვა საკითხებზე მიმზიდველს ხდის კლუბის მუშაობას. კლუბს XII კლასის მოსწავლე მათე ზაქარიაძე ხელმძღვანელობს. ნაყოფიერად მუშაობს პროგრამირების, პროექტების დაგეგმარებისა და მართვის გუნდი, ე.წ. „სტაფი“, წინ არის წამოწეული ეროვნულ-პატრიოტული მიმართულებები.

### სკოლის „თავი ქალი“


XI კლასის მოსწავლე ბარბარე კალატოზი 12 მოსწავლისა-

ივი ძვერის სკოლის კურსდამთავრებულებს, რომლებიც სტუდენტები ხდებიან, უკლებლივ ყველას, ვისაც არ აქვს სახელმწიფო დაფინანსება ქეთი მაკლინი აფინანსებს.

სკოლას დიდ დახმარებას უწევენ სკოლის ყოფილი კურსდამთავრებულები, ახლა ბიზნესმენები: მალხაზ გიორგაძე, ზვიად მეფარიძე, დიმიტრი მესხი, რესტორან „ძვერულის“ მუპატრონე მარლენ სულამანიძე.

სიტყვაძვირია სკოლის დირექტორი, თუ მაინც რამეს ათქმევინებ, იტყვის მოსწავლეებზე, მასწავლებლებზე, ქველმოქმედებზე, მაგრამ ჩვენ ხომ ვიცით, რომ ყველა წარმატების თავი და თავი ყველგან და ცხადია აქაც, პირველი პირია. მთავარი ისაა, რომ მანუჩარ ფანჩულიძე ბავშვებს აჩვენებს დამოუკიდებლობას, ეროვნული სულისკვეთებით მათ აღზრდას აყენებს ყველაფერზე მაღლა და წინ...

შუშუნა ცხადაძე





# დედის დღე და რვა მარტი, ერთად მოგვილოცნია! გულწრფელი სიყვარულით მიძღვნილი იები

არ არსებობს მასწავლებლობაზე უფრო საინტერესო და მნიშვნელოვანი პროფესია... გასცემ ცოდნას, სიტბოს, სიყვარულს, ერთგულებასა და მეგობრობას და მალევე გაორმაგებულიად გიბრუნდება. სწორედ ქვაზე დადებული მადლიერით წინ ხვდება და ასაზრდოებს, უფრო მეტ ენერჯიას და მოტივაციას აძლევს მოსწავლეების თუ ყოფილი მოსწავლეებისაგან მიღებული მადლიერებისა და სიყვარულის გამომხატველი ჟესტები ქალბატონს, რომელიც დღევანდელი გაზეთისათვის შევარჩიეთ და ჩვენს მკითხველებს უნდა გავაცნოთ.

ეს გახლავთ ნინო ქლიბაძე, რუფოთის საჯარო სკოლის მასწავლებელი, რომელიც 30 წელზე მეტია მომავალი თაობის სწავლა-აღზრდის საქმეს ემსახურება და ამას აკეთებს ბავშვებისადმი და პროფესიისადმი უდიდესი სიყვარულით.

ზესტაფონის რაიონის სოფელ დილიკაურში დაიბადა, იქვე დაამთავრა საჯარო სკოლა. 1987 წელს თბილისის სულხან-საბა ორბელიანის სახელობის პედაგოგიურ ინსტიტუტში ჩაირიცხა, პედაგოგიურ ფაკულტეტზე, რომელიც 1992 წელს წარჩინებით, ნითელ დიპლომზე დაამთავრა. სასწავლებლის დამთავრებისთანავე ახალბედა პედაგოგს მშობლიურმა სკოლამ ნდობა გამოუცხადა და ნინო მასწავლებლობის მეტად საპასუხისმგებლო ფერხულში ჩაება.

2000 წელს ბედი, სოფელ რუფოთში მცხოვრებ, დიმიტრი გოგიაშვილს დაუკავშირა. 2006 წლიდან კი ამავე სოფლის სკოლის დაწყებითი კლასის მასწავლებლად დაინიშნა. 2011 წელს სასერთიფიკაციო გამოცდის საფუძველზე უფროსი მასწავლებლის, ხოლო 2019 წელს ნამყვანი მასწავლებლის სტატუსით მასწავლებლობს.

ნინომ კარგად შეუთავსა ერთმანეთს სამსახური და დიდი

და სხვადასხვა მნიშვნელოვანი აქტივობების მონაწილეა. დღეს ისინი ჯავახიშვილის სახელობის უნივერსიტეტის წარჩინებული სტუდენტები არიან. ამასთან ნინო, ინჟინერ მეუღლესთან ერთად, სახელოვნად აგრძელებს ქართული ოჯახის ტრადიციებს.

და მაინც სკოლა, მოსწავლეები მისთვის უპირველესი ზრუნვის საგანია, დიდი პასუხისმგებლობა აქვს უპირველესად სამშობლოს წინაშე, შემდეგ თითოეული მოსწავლის, მათი მშობლების, ოჯახების წინაშე. პირველი კლასიდან მოყოლებული მეოთხე კლასის ჩათვლით პატარებთან მუშაობა დიდ ძალისხმევასა და ენერჯიას მოითხოვს და მეტიც, სწორედ ამ წლებში უნდა ჩამოყალიბდეს თითოეულ მოსწავლეს სწავლისადმი დადებითი განწყობა. ყოველწლიურად ცდილობს ბავშვებს ისეთი სასკოლო გარემო შეუქმნას, რომ სკოლაში მიუხაროდეს და ყოველი დღე შინაარსიანი, დადებითი ემოციებითა და აღმოჩენებით იყოს დატვირთული.

ბილიზებასა და ნაკითხულის გაგება-გააზრების უნარების განვითარებას, რადგან ამ უნარზე დამოკიდებული მოსწავლეთა შემდგომი აკადემიური და ინტელექტუალური განვითარება.

სმირად ატარებს ნაკითხული წიგნების პრეზენტაციას, მოსწავლეებისათვის კითხვის სიყვარულის გაღვივება და ნაკითხულის გააზრება-გადმოცემა მისი მუშაობის ერთ-ერთი ამოცანაა.

საინტერესო და მრავალფეროვანი აქტივობებითაა დატვირთული ნინოსა და მისი მოსწავლეებისათვის მთელი სასწავლო წელი. ამ შემთხვევაში ყველა მოსწავლე აქტიურია და ცდილობს ლამაზად და გონივრულად წარმოაჩინოს კლასი. ასეთი არაერთი ღონისძიება გამართეს მიმდინარე თუ წინა სასწავლო წელს.

საოცრება იყო გასულ წელს ბავშვთა დაცვის დღისადმი მიძღვნილი აქტივობები, რომელიც რუფოთის საჯარო სკოლაში ყველა მოსწავლისათვის სიურპრიზი იყო, მესამეკლასელები კი თავიანთი ლამაზად მომზადებული აქტივობით შეუერთდნენ საერთო მხიარულებას.

ულამაზესი იყო ოქროსფერი შემოდგომის პრეზენტაცია, შემოდგომის ზეიმი, რომელიც კომპლექსური დავალების შესაბამისად დატვირთული იყო სხვადასხვა აქტივობით. მოსწავლეებმა შესწავლილი ნაწარმოების მიხედვით წარმოადგინეს „მკითხველთა თეატრი“, ნაკითხეს წერილები, რომლებიც თავად მისწერეს „მონყენილ“ ოქტომბერს, გააკეთეს ჩურჩხელების რეკლამა, ასევე შექმნეს პოეზიის ხელნაკეთი წიგნი „შემოდგომის სიმფონია“, ისაუბრეს შემოდგომის თემაზე შექმნილი საკუთარი ნამუშევრების შესახებ, ნაკითხეს ლექსები, მშობელთა ჩართულობით ამოავლეს ჩურჩხელები.

საინტერესოდ აღნიშნეს აგ-



რეთვე: დედის დღე, წიგნის საჯაროდ კითხვის დღე, გარემოს დაცვის დღე და სხვა მნიშვნელოვანი თარიღები ახალი წელი, აღდგომა და სხვა.

ნინო მასწავლებელი სრულად ეთანხმება და იზიარებს აზრს, რომ სასწავლო პროცესში სამაგიდო თამაშების გამოყენება ერთ-ერთი საუკეთესო გზაა მოსწავლეთა მოტივირებისა და სწავლისადმი ინტერესების ასამაღლებლად. სამაგიდო თამაშები, რომლებიც დაწყებითი საფეხურის ბავშვებისათვის სპეციალისტების მიერ არის შექმნილი, ეხმარება ბავშვებს როგორც მათემატიკური, ასევე ენობრივი უნარების განვითარებაში. ამის შესაბამისად ცდილობს ყველა სიხალე და რეკომენდაცია დაწეროს თავის პედაგოგიურ პრაქტიკაში. ნინო აქტიურად მონაწილეობს ისეთ კონფერენციებში, რომლებიც მასწავლებელთა პროფესიულ ზრდასა და სწავლების ხარისხის ამაღლებას ისახავს მიზნად. ერთი სიტყვით ყველაფერს აკეთებს, რომ მოსწავლეები იყვნენ ყოველმხრივ განვითარებული და მაღალი აკადემიური მოსწრების, რაც შედეგშიც აისახება. შემდეგ საფეხურზე გადასული მისი მოსწავლეები ყოველთვის ამართლებენ მასწავლებლების იმედს, ისინი სანიშნოდ სწავლით გამოირჩევიან.

„ნინო ჩემი ძვირფასო და მართლაც მასწავლებელი, გილოცავ დაბადების დღეს. ადამიანების

ლირსება წლების სიმდიდრით იზომება, თქვენ კი განვლილი გზებით... მინდა დიდხანს იცოცხოლოთ და იხაროთ საოცარ ოჯახში და გაუკვალოთ გზები პატარებს, ისე როგორც ჩემს შვილს... მადლობა ყველაფრისთვის და მადლობა, რომ ხართ ჩემი მეგობარიც, მასწავლებელიც, კოლეგაც და ჩემი შვილის სულის გამომწრთობი. გილოცავთ ღვთისნიერო ადამიანო!... ამ სიტყვებით მშობელმა სხვა მშობლების სათქმელი და გულწრფელი მადლობა გამოხატა ნინო ქლიბაძის მიმართ.

წელს ნინო მეოთხეკლასელთა მასწავლებელი და დამრიგებელია, მალე სასწავლო წელი დასრულდება, დასრულდება 4 წლიანი ყოველდღიური სასწავლო ურთიერთობა აღმზრდელსა და აღსაზრდელს შორის, თუმცა არასოდეს განწყდება ის უხილავი ხაზი, რომელმაც ერთმანეთთან სიყვარულის, სიტბოსა და ცოდნის ლამპარი აანთო და არასოდეს ჩაქრება.

სექტემბრიდან კი პატარები დაიკავებენ მათ ადგილს და კიდევ ერთ თაობას, შემდეგ კიდევ უამრავს გულში ჩაიკრავს და „აი ის“ მადლს აზიარებს.

მანამდე კი დედის დღესა და ქალთა საერთაშორისო დღეს, ნინო მასწავლებელს, მეოთხეკლასელები გულწრფელი სიყვარულითა და გაზაფხულის ყვავილებით მიულოცავენ და დედასავით საყვარელ ქალბატონს მრავალჟამიერ სიცოცხლეს უსურვებენ.

**მზია ცაიფურიშვილი**



ოჯახის დიასახლისობა, მეუღლეობა და დედობა. არაერთ თაობასთან ერთად დაზარდა შვილები—გალაქტიონ და თამთა გოგიაშვილები. ისინი ჯერ კიდევ მოსწავლეობის პერიოდში გაიცნო ჩვენმა მკითხველმა, როგორც მათემატიკურ კონკურსებში არაერთგზის გამარჯვებულნი

ბევრი რამ არის დამოკიდებული მასწავლებლის მიერ სასწავლო პროცესის მართვის ხელოვნებაზე, ის ხომ გარკვეულწილად აქტიურია და ნინოც ამის გათვალისწინებით ცდილობს განახორციელოს ისეთი აქტივობები, რომლებითაც ხელს შეუწყობს მოსწავლეთა გონების უკეთ მო-

## „ბიბლიოთეკა მარტო წიგნსაცავი კი არა, კაცობრიობის გონების სინთეზია“

თერჯოლის საჯარო, საბავშვო ბიბლიოთეკებში, სოფელ სიქთარვის, ჭოგნარის, ქვ. სიმონეთის ბიბლიოთეკებში დასაქმებული ყველა, 38 თანამშრომელი ქალია.

საქმის მცოდნე სპეციალისტები, კეთილსინდისიერად, ერთგულად ემსახურებიან საყვარელ საქმეს. ერთგვარი ვალდებულებაა ნაკითხონ ახალი წიგნი, დაამუშაონ და

ისე დადონ თაროზე. ბიბლიოთეკებში ხშირად ტარდება საინტერესო ღონისძიებები ღირსშესანიშნავ თარიღებთან დაკავშირებით. კერძოდ და საჯარო სკოლების მოსწავლეები ბიბლიოთეკების ხშირი სტუმრები არიან, ღონისძიებები მათი და აქტიური მკითხველების მონაწილეობით ტარდება.

თანდათან იზრდება წიგნადი ფონდი, ხდება მათი დამუშავება, ტარდება ინვენტარიზაცია და განმენდა. სულ მუნიციპალიტეტის მოქმედ ბიბლიოთეკებში 57 267 წიგნია. ყოველწლიურად საშუალოდ 4500-ზე მეტ მკითხველს უწევს მომსახურებას,

იცემა 65 000-ზე მეტი წიგნი. პრობლემად რჩება ადრე წლებში გაუქმებული სასოფლო ბიბლიოთეკების წიგნადი ფონდის საკითხი. სოფელ თუშში, ჩხარში, ზედა საზა-

ნოში, კვახჭირში, გოდოვანში 25 500 წიგნია, დანარჩენი სოფლების წიგნები სულ 27 000 ეგზემპლარი საჯარო ბიბლიოთეკაშია, ერთიან ფონდში.



### ოჯახის ექიმი—ეს იმედია

ოჯახის ექიმის კაბინეტის წინ რიგი დგას. ყოველი შემოსული სვამს კითხვას—თუ ვინ არის ბოლო. აბრის წაკითხვას მზამზარეული პასუხი ამჯობინა ერთმა და იკითხა—რომელი ექიმია დღეს? დიდი ხანია შესულია?—კითხვობს ბოლოს მოსული და ასე, თავის ტკბილ-მწარე ფიქრებში მყოფი პაციენტებისათვის ნელა გადის დრო. თუმცა, ნელა კი არ გადის...

კლინიკა იმერმედის ოჯახის ექიმი ხათუნა კირკიტაძე დიდ დროს ანდომებს პაციენტის ავადმყოფობის მიზეზის დადგენას, კითხვობს არა მარტო ახლანდელ მდგომარეობას, არამედ ინტერესდება წინა პერიოდებით, საჭიროების შემთხვევაში იღებს ლაბორატორიული გამოკვლევების გადანყვებილებას, დიდი სიფრთხილით არჩევს წამალს და მოდიხართ იმ იმედით, რომ კვალიფიციური, გულისხმიერი ექიმის, ხათუნა კირკიტაძის დანიშნული მკურნალობა შედეგადად იქნება.

ექიმებთან პაციენტებს ხათუნა ექიმი, მის მიმართ სამადლობელს არ იშურებენ, უყვართ და ეს, როგორც თვითონ თქვა, მისთვის ყველაზე დიდი ჯილდოა.

ყოველდღე, დილიდან საღამომდე, ოჯახის ექიმის კაბინეტთან პაციენტები იმედით დგანან. ათეულობით პაციენტს იღებს ხათუნა და მისი კოლეგები ზოია დევნოსაძე და ნუცა ლეჟავა. სულ ერთია რომელი ექიმი იქნება ხათუნა, ზოია თუ ნუცა, სამივე მათგანი თავისი საქმის მცოდნეა, ასე ამბობენ პაციენტები და ქალბატონმა ხათუნამ კოლეგა ოჯახის ექიმებზე უფრო მეტი და კარგა სიტყვა თქვა, ვიდრე თავისთავზე. ამჯერად მასზე ჩვენ ვიტყვით, თუმცა რაც უნდა თქვა ვერ იქნება ამომწურავი, მისი შესაფერი.

ძალიან ახალგაზრდა იყო ჰიპოკრატეს ექიმის ფიცი რომ დადო, მას შემდეგ 24 წელი გავიდა და ფიცს დღემდე ერთგულებს. ქალბატონი ხათუნა წლებია საზნაოს ამბულატორიაში მუშაობს ექიმად და იქაც ეიმედებათ. აქ მომუშავე

კოლეგებთან ერთად დიდი შრომა გასწავლია კოვიდპანდემიასთან დაკავშირებით, სეზონური ვირუსების წინააღმდეგ ვაქცინაციის ჩასატარებლად. ეიმედებათ „იმერმედშიც“, როგორც მორიგე პედიატრი. კითხვაზე—რას ნიშნავს თქვენთვის გამოჯანმრთელებული პაციენტი, პასუხობს, რომ განწყობა ეცვლება, ხათუნა ექიმს უჭირს გამოხატოს სიხარული, რომელიც ეუფლება, მადლობა მისთვის ყველაზე დიდი საჩუქარია.

ბედნიერი ოჯახი აქვს ხათუნას, ჰყავს მეუღლე იაზონ აბულაძე და ერთი შვილი ვერა აბულაძე, სტუდენტი.

აღამიანებზე ზრუნვასა და ფიქრში ოჯახის ექიმისათვის დრო შეუმჩნეველად გადის, დალილი, მომავალ სამუშაო დღეზე, მომავალ მორიგეობაზე ფიქრობს, ათასგვარი მოულოდნელობებით სავსე დღეებზე...

კარგა ხანია ამოჭრა გაზაფხულის მარჯვენა პირველმა მახარობელმა ყვავილებმა, თან მოჰყვა ყველაზე ღამაზი დღესასწაულები—3 და 8 მარტი. მშვენიერ ქალბატონს ხათუნა კირკიტაძეს და მის გვერდით მომუშავე ოჯახის ექიმებს ვულოცავთ დედის და ქალთა დღეს და ვუსურვებთ ჯანმრთელობას, ხანგრძლივ სიცოცხლეს, ოჯახის კეთილდღეობას, კარგად ყოფნას, მშვიდობას დაეხადგურებინოს მათ სულში, გონებაში, ოჯახებში, მშვიდობა ჰქონოდეთ მოყვასთან, ღმერთთან...

ჟჟჟუნა ცხადაძე

### აქ სილამაზეს ალამაზებენ...

პროფესიის სიყვარულმა თავისი გაიტანა. სტილისტმა ხატია კვარაცხელიამ, თავის მეგობრებთან ვიზაჟისტ თეონა მანიასთან, მანიკურის სპეციალისტ ნათია ოვანესიანთან ერთად, თერჯოლის ცენტრში, გახსნა სილამაზის სალონი „გლამური“. სამივე მათგანი სიყვარულით, მონდომებით ცდილობენ ემსახურონ თერჯოლებს. უხარიათ ხატისას, თეონას, ნათიას, რომ ისედაც ლამაზ ქალბატონებს კიდევ უფრო ალამაზებენ.



### ახალგაზრდობა იმედი ხვალის... ბოგონა დიდი მომავლით

მას სიბეჯითე არ აკლია და თუ ასე გააგრძელა ბარბარე მარუაშვილს დიდი მომავალი აქვს. ასე ამბობენ ბარბარეზე თერჯოლის მე-2 საჯარო სკოლის აღმზრდელ-პედაგოგები, სადაც მე-6 კლასში სწავლობს. ასე ამბობენ მოსწავლე-ახალგაზრდობის სახლის და სამხატვრო სკოლის მესვეურები და კიდევ —სპორტსკოლის მწვრთნელები, სადაც ბარბარე სპორტული აკრობატიკის სექციაში ვარჯიშობს ერთუზიასტი ქალბატონის, ფიზკულტურის პედაგოგ ლალი დიაკონიძის ხელმძღვანელობით.

ბარბარე დიდი დიაპაზონის მოსწავლეა, ფართოა მისი ინტერესების სფერო და საითაც გაიწეოს, უეჭველად აღწევს წარმატებას. ბარბარეს 20-ზე მეტი დიპლომი, სიგელი, სამადლობელი ბარათი აქვს მიღებული სხვადასხვა დროს და სხვადასხვა კუთხით, რომლებიც მის მიღწევებზე ლაღადებს. მხოლოდ რამოდენიმეს მოვიყვანთ:

ევროპული ფესტივალის „არტ უნიტეს უს“ დიპლომით ჯილდოვდება ქალაქ თერჯოლის მოსწავლე-ახალგაზრდობის ცენტრის „თექა-გობელინის“ კლუბის მოსწავლე ბარბარე მარუაშვილი. ბათუმი, 8.12. 2023 წელი.

ქ. თბილისის ტანვარჯიშის ფედერაცია 2012 აჯილდოებს ბარბარე მარუაშვილს სპორტულ აკრობატიკაში ქ. თბილისის ლია პირველობაზე I ადგილის დაკავებისათვის. ფედერაციის პრეზიდენტი რ. ბერიკაშვილი. 9-10.12. 2023 წელი.

კომპანია „ნ სტუდია“ საქართველოს საპატრიარქოსთან პარტნიორობით დიპლომით აჯილდოებს ქ. თერჯოლის მე-2 საჯარო სკოლის მოსწავლეს



ბარბარე მარუაშვილს ინტეგრირებულ გამოფენა-კონცერტში მონაწილეობისათვის. 20 მარტი 2022 წელი. აიპ „ნ სტუდიას“ გენერალური დირექტორი ნელი მუჟანაძე.

მადლიერების სიგელი მაღალი პასუხისმგებლობისა და გარემოსდაცვით ღონისძიებებში მონაწილეობისათვის გადაეცემა ბარბარე მარუაშვილს. (საქართველოს მწვანეთა მოძრაობის „დედამინის მეგობრები საქართველოს“ თავმჯდომარე ნინო ჩხოპაძე; თერჯოლის მუნიციპალიტეტის მერი მანუჩარ რობაქიძე).

ცალკე აღნიშვნის ღირსია ბარბარეს მიღწევები ხატვასა და სპორტულ აკრობატიკაში. მისი ხატვის ნიჭი რომ შეაფასო უნდა ინახულო ბარბარეს „არაჩვეულებრივი გამოფენა“, რომელიც საცხოვრებელი სახლის ვრცელ ფოიეში აქვს მოთავსებული. ფერების როგორი ჯადოსნური შეზავება, ფუნჯის რა ვირტუოზული მოსმა, მხატვრული ხელოვნების რა დიდი თვალსაწიერი იკითხება მის მიერ, ჯერ კიდევ ბავშვური ხელით დაწერილ ფანოზრივად სხვადასხვა ტილოებში. „აქ რომ ფერებია, ხაზთა შეკონება, ისე ნაგებია სიზმრის გვეგონება“—მაპატიოს დიდი პოეტის სულმა სიტყვები რომ დავისესხე მისი შედეგრიდან „ნიკორწმინდა“. ვაჭარბებ? შეიძლება, მაგრამ ბარბარეს ხატვის ხელოვნება წინ რომ უსწრებს მის ასაკსა და დროს არ უნდა ლაპარაკი.



ორიოდე სიტყვა სპორტულ მიღწევებზე და ამით დავამთავროთ. ჯერ კიდევ სულ პატარა იყო „შპაკატში“ რომ ჯდებოდა ნუთობით თურმე და ფანტასტიკურ მოძრაობებს აკეთებდა. მისი მწვრთნელის დიდი დამსახურებაა, რომ ბარბარეში მზარდი სპორტსმენი დაინახა და ცდა არ დაუკლია მისი სპორტულ აკრობატიკაში დახელოვნებისათვის.

დღესდღეობით ბარბარე უკვე ჩამოყალიბებული სპორტსმენია და მენეჯილესთან, ასევე ნიჭიერ სპორტსმენ ირინა გენაძესთან ერთად, სხვადასხვა დონის შეჯიბრებებში წარმატებას წარმატებებზე აღწევს. განსაკუთრებული მიღწევა, გასული წლის მინურულს, თბილისის ლია ჩემპიონატში გამარჯვება იყო. ფინალურ შერკინებაში რომ გამოაცხადეს სპორტული აკრობატიკის თერჯოლიდან, გაისუსა დარბაზი. ხალიჩაზე ჩვენი გოგონები შესასრულებლად ურთულეს და ტექნიკურად დახვეწილ კომბინაციებს აკეთებდნენ. ბოლო ილეთი მართლაც ფანტასტიკური იყო და მყურებელთა ოვაციებიც დაიმსახურეს. ეს უკვე მასტერ კლასია—ამბობდნენ ისინი, არც შემცდარან,—მკაცრმა ჟიურიმ ჩემპიონატის გამარჯვებულად თერჯოლური წყვილი აღიარა. მოცემულ ფორტოზე, კვარცხლბეკის უმაღლეს საფეხურზე სწორედ ბარბარესა და ირინეს ხედავთ სპეციალური დიპლომებით ხელში.

ამ შედეგებით ორივენი მუნიციპალიტეტის წლის 10 საუკეთესო სპორტსმენთა სიაში მოხვდნენ, რაზეც უკვე ვაუწყეთ მკითხველებს ჩვენი გაზეთის საახალწლო ნომერში.

და ბოლოს გვინდა მადლიერება გამოვხატოთ ყველა აღმზრდელ-პედაგოგისა და მწვრთნელის მიმართ, რომლებიც თავს დაზრუნავენ თავიანთ აღსაზრდელებს, უნდათ ბარბარესნაირ მრავალმხრივად ნიჭიერ ახალგაზრდებს სწორი ორიენტაცია მისცენ, აღიზარდონ საზოგადოებისათვის სასარგებლო ადამიანებად. აქ იცხოვრონ, აქ იყვნენ წარმატებულნი და არა საზღვრებს გარეთ, მდიდრულად და სამშობლო მონატრებული.

ი. ქარაძე



### საქველმოქმედო აქცია

თერჯოლის მუნიციპალიტეტში, მძიმე სოციალურ პირობებში მცხოვრებ და შშმ ბავშვებს საჩუქრები გადაეცათ. აქცია მუნიციპალიტეტის მერიის ხელშეწყობით და ამერიკული არასამთავრობო ორგანიზაციის მონაწილეობით ჩატარდა. აქციამ 120 ბავშვი მოიცვა.




### ანსამბლ „ჭიუხის“ მორიგი დიდი წარმატება

ა(ა)იპ თერჯოლის სახელოვნებო განათლების, კულტურისა და ტურიზმის მუნიციპალური ცენტრის ფილიალის ვაჟა კუბლაშვილის სახელობის სამუსიკო-საგანმანათლებლო სკოლის ახლადდაფუძნებულმა ანსამბლმა „ჭიუხმა“ მონაწილეობა მიიღო „ბორჯომ-ბაკურიანის ზამთრის ფესტივალი-2024“-ზე და მოიპოვა დამსახურებული პირველი ადგილი. ანსამბლმა ალტაცებაში მოიყვანა მაცურე-

ბელი და მქუხარე აპლოდისმენტები დაიმსახურა. ეს დიდი გამარჯვება ანსამბლის ხელმძღვანელის გულთამზე კუბლაშვილის და კონცერტმასტერ რამაზ მემანიშვილის დამსახურებაა. მათ წინ კიდევ ბევრი წარმატება ელოდებათ. მორიგ წარმატებას ვულოცავთ ანსამბლის წევრებს, სამუსიკო სკოლისა და მათ ხელმძღვანელებს.

### სანთელი და ლოცვა

ჩვენი გაზეთის ამ ნომერში ვთავაზობთ მამა დავითის მორიგ საუბარს, სადაც იგი მოგვითხრობს სანთელისა და ლოცვის მნიშვნელობის შესახებ.



სანთელი

სანთელი არის ლოცვის სიმბოლო, ღვთისმსახურების კუთვნილება და საეკლესიო შესანიშნავი. ვთხოვთ განვიცო მარტო მისი მნიშვნელობა.

სანთელი წარმოადგენს ღმერთთან ურთიერთობის გარეგან გამოხატულებას.

სანთელი წმიდათაწმიდა სიმბოლოა ღვთიური დიდებისა, რადგანაც სახარებასა და საეკლესიო საგალობლებში ღმერთი მოხსენიებულია, როგორც მარადიული „ნათელი“, (ან) ხოლო ანგელოზები და წმიდანები—როგორც „ლამპარმნათები სამყაროსა“.

„იგი იყო სანთელი აღნთებული და საჩინო; ხოლო თქვენ ინებეთ ჟამ-ერთ სი-

ხარულის ნათელსა მისსა“ (იოანე 5,35).

„მერმეცა ეტყოდავე იესო, და ჰრქუა მათ: „მე ვარ ნათელი სოფლისა, რომელი შემომიღვეს მე, არა ვიდოდეს ბნელსა, არამედ აქუნდეს ნათელი ცხოვრებისა“ (იოანე 8,12). ხოლო სული ადამიანისა მოხსენებულია, როგორც სარწმუნოებით, სასოებითა და სიყვარულით განათებული.

ქრისტემ დათრგუნა სიკვდილი და მარადიული სიბნელის სამყარო—ჯოჯოხეთი, სანთელი როგორც ღმერთმსახურების წმიდა კუთვნილება, გამოხატავს ამ უზენაესი გამარჯვებით გამოწვეულ საეკლესიო სიხარულსა და ზეიმს.

ანთებული სანთელი, როგორც ხილული იდუმალეობა, ასახიერებს ღვთიურ მადლს, მარადიულ სულიერ ნათელს.

სანთელი ადის ღმერთამდე ქებათაქებად მისი ძლიერებისა, სამადლობელად მისი მოწყალებისა, ცოცხალთა და მიცვალებულთა ცხოვნებისათვის, ვინაიდან სანთელი ძვირფასი შესანიშნავი ღვთის წინაშე და მაცხოვრისადმი ჩვენი მარადიული დამოკიდებულების უმორჩილეს აღიარებად.

ხატის წინ დანთებული სანთელი არის ლოცვის ხილული ნიშანი, მისი იდეალური რაობა, მისი დედაარსი, სახე „გონიერი ნათლისა“, რომელიც ავსებს მადლით ქმნილებას და აერთიანებს შემოქმედთან.

#### ლოცვა

ადამიანს აქვს მოთხოვნილება სწამდეს, უყვარდეს, თავყვანს სცემდეს და

### ზეციური საუნჯე

იმედი ჰქონდეს ჭეშმარიტი ღმერთისა. ადამიანი ამ ღვთისმოსაობას წმინდა ლოცვის საშუალებით გამოხატავს. ამგვარად შეგვიძლია ლოცვას ჩვენ ღმერთის მიმართ სულის ამალეობა ვუწოდოთ.

ლოცვით მორწმუნე ადამიანი გულით საუბრობს თავის შემქმნელთან, ყოვლისშემძლე უფალთან და ქვეყნიერების შემოქმედის მიმართ თავის უსაზღვრო მადლიერებას და პატივისცემას გამოხატავს. როგორც წმინდა მამები ამბობენ ლოცვა არის სუნთქვა სულისა.

განსაკუთრებული ძალა და დატვირთვა აქვს ორმოცდლიან ლოცვას. ძველ აღთქმაში მოსემ ღმერთისაგან სჯულის მიღებამდე ორმოცი დღე გაატარა სინას მთაზე, ხოლო ახალ აღთქმაში თავად მაცხოვარმა, იესო ქრისტემ ორმოცი დღე იმარხულა უდაბნოში. ცოდვებისაგან განსაწმენდა ორმოცდლიანი მარხვის შენახვისაკენ მოგვინოდებს ჩვენი დედაეკლესია. ამგვარად ეს ორმოცდლიანი პერიოდი არის განსაწმენდელი და მოსამზადებელი დრო ღვთისაგან მადლის მიღებისა.

ჭეშმარიტი ლოცვისას გვეუფლება სიმდაბლე, თავდადება, მადლიერება, დიდებისმეტყველება, მიმტვევლობა, ღვთის ნებისადმი მორჩილება. ესენი არის ის უპირატესობები, რომელთაგან ავსილი სული ათბობს გულს. ასეთი გულით აღვლენილი ლოცვა ნამდვილი ლოცვა იქნება.

### ნატო აბაშიძე

გარდაიცვალა ბარდუბნის საჯარო სკოლის უცხო ენის ყოფილი პედაგოგი ნატო აბაშიძე, რომელიც 8 მარტს—ქალთა სოლიდარობის საერთაშორისო დღეს 73 წლის გახდებოდა.



ბარდუბნის საჯარო სკოლა მწუხარებას გამოთქვამს და თანავგრძნობას უცხადებს ნატო აბაშიძის ოჯახს.

ნატო აბაშიძე წლების განმავლობაში გახლდათ ბარდუბნის საჯარო სკოლის ფრანგული ენის მასწავლებელი. კოლეგების გულში ის ყოველთვის დარჩება როგორც თბილი, მონუსხვითი და სანდომიანი ადამიანი.

ნათელში ყოფილიყოს ნატო მასწავლებლის სახელი!

ბარდუბნის საჯარო სკოლის პედაგოგიური კოლექტივი და ტექნიკური პერსონალი

### ვალერი კვინიკაძე

ს ა ნ მ კ ლ ე შეიქმნა მისი წუთისოფელი. სულ რაღაც 51 წლისა გარდაიცვალა.

არ ყოფილა მისთვის ამიერში ცხოვრება მარტივი—ბოხოქარი უფრო სწორი იქნებოდა შეფასებისათვის... პრობლემებიც არ მოკლებია, მაგრამ ჭმუნვასა და ტკივილმწუხარებას არ იმჩნევდა. ერთადერთი, უცხოეთში მოსწავლე, ქალიშვილის ჯავრი ტანჯავდა მუდმივად. ემზადებოდა კიდევ მასთან ჩასასვლელად და შესახვედრად—ეგებ საქართველოში დაემკვიდრდეთ საცხოვრებლადო, მაგრამ არ დასცალდა...

უსაზღვროდ უყვარდა ჩვენი ქვეყანა, ჩვენი ისტორია, წინაპრები, ტრადიციები, ქართული ლექსი, მშობლები, რომლებიც ადრე გარდაეცვალა. ამაცობდა, რომ მისი ერთი ბაბუა—ვალერიან კვინიკაძე, ვისი სეხნიაც იყო, 80-ზე მეტი წლის წინ, მეორე მსოფლიო ომში დაიღუპა.

წავიდა ძალიან, ძალიან ნაადრევად... წავიდა და დაგვიტოვა დიდი გულისტკივილი, ბევრი ტბილ-მწარე მოგონება... მსუბუქი იყოს მისთვის მშობლიური ბარდუბნის მინა.

მარადიული ნათელი მის სსოვნას.

სამამუშაო

მანანა და დავით კლდიაშვილები მწუხარებაში თანაუგრძნობენ ოჯახს, ახლო ნათესავეებსა და მეგობრებს  
**ვალერიან კვინიკაძის**  
გარდაცვალების გამო.

მანანა და დავით კლდიაშვილები მწუხარებაში თანაუგრძნობენ მამუკა ბარდაველიძეს დედის  
**ნატო აბაშიძე-ბარდაველიძის**  
გარდაცვალების გამო.

### ასეთები იყვნენ წინა თაობები...

ცაცა ბოგვერაძე—ენერში ცხოვრობდა და წლების განმავლობაში კოლმეურნეობაში მუშაობდა. იგი იყო შრომის წითელი დროშის, შრომის დიდების, მეორე და მესამე ხარისხის ორდენების კავალერი, სახალხო მეურნეობის მიღწევათა გამოფენების მონაწილე. ყოველწლიურად რვა ტონაზე მეტ ჩაის ფოთოლს კრეფდა, მოუკრეფია 9 ტონა ჩაის ფოთოლიც, რაც ჰექტარზე გაანგარიშებით რეკორდული იყო.

ნუცა ჩუბინიძე—ასაკოვანიც კი კვლავ მონიწილეთა რიგებში იდგა და ვერცერთმა ახალგაზრდამ ვერ მოხსნა მისი რეკორდი, 100 კილოგრამამდე ხარისხიან აბრეშუმის პარკს აბარებდა ყოველწლიურად აბრეშუმის დამამზადებელ პუნქტებს. იგი იყო მრავალი ჯილდოს მფლობელი, ორდენების

კავალერი, არაერთხელ მიუღია მონაწილეობა მეაბრეშუმეთა რესპუბლიკურ შეკრებებზე, იყო რესპუბლიკაში აღიარებული მეაბრეშუმე.

\*\*\*

კარგა ხანია მშვენიერმა ქალბატონებმა ცაცა ბოგვერაძემ და ნუცა ჩუბინიძემ საბუდამო განსასვენებელში დაიდეს ბინა. ბევრმა არ იცის რა საინტერესო, შინაარსიანი ცხოვრება ჰქონდათ, როგორ შრომობდნენ, იღვწოდნენ, ქმნიდნენ და მაგალითს აძლევდნენ ახალგაზრდებს, მაღალი ავტორიტეტი ჰქონდათ, ყველა იცნობდა და პატივს სცემდა მათ, სიცოცხლეშიც და სიკვდილის შემდეგაც... მეჩაიესა და მეაბრეშუმის შრომის ამსახველ მასალებს ვაზეთ „წინსვლის“ გაყვითლებული ფურცლები ინახავენ—ნათელი ჰქონდეთ მათ თავიანთ საბუდამო განსასვენებელში.

# „თებერვალმა სამუდამოდ დამიზამთრა მაისი...“

## 23 თებერვალი—იუნკერთა ხსოვნის დღე

მოსწავლე-ახალგაზრდობის მუნიციპალური ცენტრის აღსაზრდელებმა იუნკერთა ხსოვნის დღისადმი მიძღვნილ ღონისძიებაზე ოსტატურად წარმოადგინეს ლიტერატურული კომპოზიცია—„თებერვალმა სამუდამოდ დამიზამთრა მაისი...“, რომელიც 1921 წლის თებერვლის იმ დღეებზე ემოციურად მოუთხრობდა დიდების მემორიალზე შეკრებილთ.

ღონისძიებას ადგილობრივი ხელისუფლების წარმომადგენლები, ა(ა)იპები, ქუთაისის სსიპ გენერალ გიორგი კვინიტაძის სახელობის კადეტთა ლიცეუმის კადეტები, საჯარო სკოლების მოსწავლეები და მოსახლეობა ესწრებოდა.

1921 წელს, თბილისის სამხედრო სკოლის იუნკრებმა საბჭოთა რუსეთის წითელი არმიის წინააღმდეგ კოჯორ-ტაბახმელასთან თავი მამაცურად განიერეს.

აღნიშნული ტრაგედიიდან დღემდე 103 წელი გავიდა.



### ეს ლექსი პოეტმა კოლაუ ნადირაძემ 1921 წლის თებერვლის იმ ტრაგიკულ დღეებს მიუძღვნა

თოვდა... და თბილისს ებურა თალხი, დუმდა სიონი და დუმდა ხალხი. ძილ-ღვიძლად იგო ქალაქი ჩვენი, სამიწელებას კვლავ სჭედდა გრდემლი.

ისევ გოლგოთა, სისხლი და ცრემლი! მშობელო დედავ, ისევ გაგყიდეს, ისევ წამების ჯვარი აგვიდეს, არ შეგიბრალებს, კვლავ არ დაგინდეს! თოვდა და თბილისს ებურა თალხი. დუმდა სიონი და დუმდა ხალხი. დაცხრა კოჯორი და ტაბახმელა, მხოლოდღა თოვლი ცვიოდა წელა, ეფინებოდა გმირების გვამებს – განგმირულ მკერდებს, დაღვნილ მკლავეებს,

და უძრავ იყო თებერვლის ღამე. თოვდა... და თბილისს ებურა თალხი, დუმდა სიონი და დუმდა ხალხი. იმ გზით, სად წინათ ელაუნენ ხმლები, სად სამას გმირთა დაიფშვნა ძელები, სად ქართლის დედის ცრემლით ნანაში, მძიმედ დაეშვა ჩვენი ალამი, სად გმირთა სისხლით ნაპოხიერი, თოვლს დაეფარა კრწანისის ველი, – წითელი დროშით, მოღერილ ყელით, თეთრ ცხენზე მჯდომი, ნაბიჯით წელით შემოდოდა სიკვდილი ცელით! თოვდა... და თბილისს ებურა თალხი, დუმდა სიონი და დუმდა ხალხი!



## ქართველმა მებრძოლმა, მერაბ დვალისვილმა, „UFC“-ის ორი წონის ყოფილი ჩემპიონი, ჰენრი სეხუდო დაამარცხა!

კალიფორნიაში „UFC 298“-ის ღონისძიებაზე სუპერმსუბუქი წონაში ქართველი მებრძოლი მერაბ დვალისვილი ამერიკელ ჰენრი სეხუდოს დაუპირისპირდა და მეტოქე სამრასუნდიან ბრძოლაში დაამარცხა.

მერაბ დვალისვილს შერეულ ორთაბრძოლებში უკვე 21 ბრძოლა აქვს გამართული, რომელთაგანაც 17 მოიგო, ოთხში კი დამარცხდა. რაც შეეხება ჰენრი სეხუდოს, ის „UFC“-ის ორი წონის ყოფილი ჩემპიონი და თავისუფალ წიდაობაში ოლიმპიური ოქროს მედლის მფლობელია.




შეგახსენებთ, რომ დღეს „UFC 298“-ის ღონისძიებაზე იბრძოლებს კიდევ ერთი ქართველი, ილია თოფურია, რომელიც საჩემპიონატო ქამრისთვის ქვემსუბუქი წონის მოქმედ ჩემპიონ ალექსანდრ ვოლკანოვსკის დაუპირისპირდება. ვულოცავთ!

## ისტორიაში „UFC“-ის პირველი ქართველი მსოფლიო ჩემპიონი ილია თოფურიაა!

კალიფორნიაში „UFC 298“-ის ღონისძიების ფარგლებში ქვემსუბუქი წონის საჩემპიონო ქამრისთვის ოქტაგონზე ერთმანეთს ქართველი მებრძოლი ილია თოფურია და მოქმედი ჩემპიონი ავსტრალიელი ალექსანდრ ვოლკანოვსკი დაუპირისპირდნენ.

ბრძოლაში ილია თოფურიამ ვოლკანოვსკი ნოკაუტით დაამარცხა და პირველი ქართველი მებრძოლი გახდა ვინც „MMA“-ს ყველაზე პრესტიჟული ორგანიზაციის ჩემპიონის ტიტულის მოპოვება შეძლო. ჟოზე ალდოს, კონორ მაკგრეგორის, ვოლკანოვსკის შემდეგ ილია თოფურია მეხუთე მებრძოლია, ვინც ქვემსუბუქი წონის ჩემპიონობა იზეიმა.

ისტორიულ დაპირისპირებამდე ილიამ 14 ბრძოლა გამართა და ყველა დაპირისპირება გამარჯვებით დაასრულა. აღსანიშნავია, რომ დღეს „UFC 298“-ის ღონისძიებაზე იასპარეზა კიდევ ერთმა ქართველმა მებრძოლმა მერაბ დვალისვილმა, რომელმაც „UFC“-ის ორი წონის ყოფილი ჩემპიონი ჰენრი სეხუდო დაამარცხა. ვულოცავთ!



### შპს „თერჯოლა“

გამომცემელი მთავარი რედაქტორი  
ვალერიან გოგიაშვილი დავით კლდიაშვილი  
599 92 49 75 599 91 24 14

სარედაქციო კოლეჯია

რეგისტრაციის №53/5/ზ-22

გამოდის თვეში ორჯერ

### კორესპონდენტები:

ი. მარუაშვილი—0(491) 22 15 16

ჟ. ცხადაძე—558 90 82 55

მ. ცქიფურიშვილი—555 28 11 41

ელ-ფოსტა: [gazetiterjola@gmail.com](mailto:gazetiterjola@gmail.com)

აიწყო და დაკაბადონდა რედაქციის კომპიუტერულ ცენტრში

### მისამართი:

ქ. თერჯოლა, კოსტავას ქუჩა №2

დაიბეჭდა ქუთაისის

შპს „სომელი ენ“-ის სტამბაში

ქუთაისი, ჭავჭავაძის გამზ. №33

ჩვენი რეკვიზიტები:

„ლიბერთი ბანკი“

LBRTGE22,

ანგარიში

GE32LB0113133960124000

ს/კ 231948872